

مجالس القرآن - الدرس السادس - سورة الرحمن

أحمد عامر

الحمد لله والصلوة والسلام على رسول الله صلى الله عليه وسلم سورة الرحمن. طيب سورة الرحمن بتسمى بتلقب بعروس القرآن وعروس القرآن عارفين العروسة آآجية اسمها من ان هي بتتزين - 00:00:00

سورة الرحمن سورة مزينة يعني ايه انت لما تقرأ السورة الصورة بتتكلم عن ربنا ازاي خلق الكون وابدع فيه واوجد فيه نعم والشمس والقمر فهو الكون متزين وبعد كده فيها كلام عن الجنة ووصف الجنة بالتفصيل وكأنه برضو فيه ذكر الاله؟ لزينة الجنة. عشان كده يعني احده الالقاب اللي بتلقب بها - 00:00:14

عروسة الرحمن جاية من المنظور ده ان انت لما بتقرأ السورة بتستشعر التزيين اللي بيحصل في الكون والتزيين اللي بيحصل في الجنة. فده عشان كده تلقب بكلمة ايه؟ او احده حتى معاني ليه تلقب بایه - 00:00:38

عروس الرحمن يعني آآتشوف الحديث ده عن جابر بن عبد الله عن جابر بن عبد الله. قال ايه؟ آآالنبي صلى الله عليه وسلم قد قرأتها اللي هي سورة الرحمن. لقد قرأتها على الجن - 00:00:52

ليلة الجن. النبي صلى الله عليه وسلم كان له مواقف بروح يقعد مع الجن سواء هو آآعارف او مش عارف يعني ممكن يبقى هو راح للجن وتلى عليهم قرآن وممكن هو يبقى وهو بيقرأ قرآن فيه جن - 00:01:11

يسمعوه وربنا يقول له ان ده حصل. فاهمين؟ فالنبي صلى الله عليه وسلم كان كده يعني. وده حصل في كذا مشهد يعني. خلاص وده موجود في سورة الجن. قل اوحي الي انه استمع نفر من الجن. وفي سورة - 00:01:29

ايه الصورة الثانية صورة ايه فصلت مين اللي قال فصلت؟ سورة الاحقاف واد صرفنا اليك نفرا من الجن يستمعون القرآن ماشي؟ ودي صورة مكية ودي صورة مكية بس مش يعني الاحداث مختلفة. فالنبي صلى الله عليه وسلم قال ايه؟ لقد قرأتها على الجن في ليلة الجن. فكان - 00:01:44

واحسن منكم ردوها. او كانوا احسن مردودا منكم. بيقول للصحابة هو راعي الصحابة وبيقول لهم انا قررتها على الجن وكانوا بيردوا احسن منكم كنت كلما اتيت على قوله فبأي الاء ريكما تكذبان - 00:02:06

قالوا ايه؟ لا شيء من نعمك ربنا نكذب. فلك الحمد كل ما جماعة النبي صلى الله عليه وسلم كان بيقول الاية دي الجن يردوا يقولوا كده. كل ما يقول الاية دي. فالنبي بيقول للصحابة كانوا احسن منكم في الحلة دي. ودي حاجة عايزك تتعلمها عن القرآن - 00:02:22 مع القرآن اصلا مهم جدا المهم جدا انت اما تسمع قرآن تتفاعل معه. من التفاعل مع القرآن النبي صلى الله عليه وسلم كان لما يقرأ القرآن تيجي اية عن النار يقوم عامل ايه - 00:02:37

وهو كده بيقرأ الاية يقوم قال اللهم اني اعوذ بك من النار. ايه يتاؤل القرآن. تيجي ايه عن الجنة يقوم في النص كده يقول ايه؟ اللهم ارزقني الجنـة - 00:02:52

فالجن كانوا عملوا كده فدي حاجة دي اداة بتخليلك خلي بالك انت لو بتشغل ودنك مع القرآن خلاص ادي حاسة لو بتشغل ودنك وعينك ادي حاسنين لو بتشغل ودنك وعينك ولسانك ادي تلت حواس دي حاجة تساعدك على التدبر وعلى التركيز اكتر - 00:03:03 فاعملها. وانت بتقرأ القرآن كده قال ربكم ادعوني استجب لكم. يا رب اغفر لي تفاعل مع القرآن بلسانك. ماشي واطلب القرآن بيقول لك تفاعل معي. فالنبي صلى الله عليه وسلم بيقول للصحابه الجن كانوا احسن منكم وانا بقرأ عليهم سورة - 00:03:21 الرحمن موضع الصورة سهل. يعني اللي هيقرأ السورة هيفهم الموضوع هتقرا السورة كده ان الله الرحمن علم القرآن خلق الانسان.

وبعد كده الشمس والقمر بحسبان والنجم اشتري. بعد كده خلق الانسان وخلق الجن - 00:03:40

مرج البحرين يلتقيان. هتلاقي الصورة بتبدأ ان هي بتتكلم عن نعم ربنا على الانسان فيه خلقه ونعمه في الكون بكل تفاصيله وابداعه فيه. ده جزء من الصورة لو قريت الصورة كده هتلاقي - 00:03:58

لحد الاية تقريباً لحد الاية تلاتين بتتكلم عن ذكر النعم دي. نعم ربنا واحسانه الغزير طيب وبعد كده هتلاقيها بتتكلم عن تصرف ربنا في الملك ده. يعني الملك والخلق اللي ربنا - 00:04:18

خلقه ده ونعم ربنا في الملك وفي الخلق ده. وبعد كده هتلاقي سنفرغ لكم ايها الثقلان يا معاشر الجن والانس ان استطعتم ان تنفذوا من اقطار السماوات والارض فانفذوا طب فين تحس اللهجة اتغيرت؟ تحس اتغيرت. لأن هنا ربنا هنا بيتكلم عن - 00:04:43

ازاي اصلاً ان هو اللي بيتصرف في الملك ده هو اللي بيملكه هو اللي بيأخر كل حاجة جواه. هو اللي بيتحكم في كل حاجة فيه. ما حدش يعرف الاتحاد مش هيعرف يهرب ما حدش يعرف - 00:05:06

آآ يتصرف جوة الملك ده بدون ازن ربنا فلا تنفذون الا بسلطان وبعد كده هتلاقي آآ ربنا بيتكلم عن يوم القيمة فاذا انشقت السماء فكانت وردة الدهان السماء وهي بتنهار وهي بتسيح وهي لونها بيتغير - 00:05:18

وبعد كده ربنا يقول يعرف المجرمون بسيماهم فيؤخذ بالنواصي والاقدام هذه جهنم هتلاقي فيه سور للعذاب وبعد كده هتلاقي الصورة بدأت عن الاخره اتكلمت عن المجرمين بيحصل فيهم ايه وبعد كده هتلاقي ولمن خاف مقام رباه جنتان وووصف للجنة - 00:05:39

طويل جداً. انا ليه بقول ده؟ عشان سورة الرحمن مش سورة النعم ولا صورة الرحمن صورة وصف الجنة. لانه احنا بنتكلم كده تحس صورة خدتك في تلات اربع نقلات مختلفين تماماً - 00:06:01

يعني لو هي في ناس ايه بتقرأ اول السورة اه بص ربنا ورحمته علينا ونعمه علينا. طب ما انت كمان شوية هتلاقي سنفرغ لكم ايها الثقلان. انت فاهم يعني ايه الجملة دي - 00:06:19

سنفرغ لكم معناها زي ما انت فاهمها كده. اللي هو ايه استنى علي فاهم معناها ايه؟ عارف لما انا اقول لك ايه اصبر علي بس لما افوق لك ولله المثل الاعلى هو ربنا بيقول مين الثقلان الانس والجن؟ السورة دي خلاص بتكلم انس وجن. فبالي الاء ربكم؟ خلاص سنفرغ ولاء هنفسي - 00:06:31

لكم يوم عشان متخيل متخيل اللهجة فين بقى الرحمة اتغيرت كده ليه؟ هاقول لك ليه. وبعد كده لو احنا بنتكلم على الرحمة والنعم فجأة ليه المجرمون وبيحصل فيهم ايه؟ آآ هذه - 00:06:50

جهنم يطوفون بين فهم اوبي ان انت بقى ترجع تسأل نفسك هو ايه اصلاً معنى اسم الله الرحمن بجد؟ عشان تفهم عايز تفهم معنى موضوع السورة؟ ما هو موضوع السورة مرتبط باسمها قلنا. لما تفهم - 00:07:04

بسم الله الرحمن تفهم موضوع السورة. لو فهمت موضوع السورة هتفهم اسم الله الرحمن مهم اوبي ان انت يوصل لك يعني ايه اسم الله الرحمن آآ عشان يوصل لك باختصار بعد كده نفصل - 00:07:17

بعض اخر الصورة ربنا بيقول اخر اية خالص ربنا بيقول ايه تبارك اسم ربك اللي هو الرحمن تبارك اسمه اسم ربك ذو الجلال والاكرام بقى الكلمتين دول يفهموكي علمنا الرحمن. ربنا بعد ما اتكلم عن الرحمن وعمل ايه؟ وهيعمل ايه؟ جه في الامر خالص قال ايه؟ تبارك. تبارك يعني ايه يا جماعة؟ كلمة البركة - 00:07:31

يعني من العزم والخير والبر والكثرة ده معنى البركة. خلاص؟ فربنا بيقول تبارك اسم الله الرحمن ده بس لما قال للرحمن هنا قال ايه؟ ما قالش الرحمن. قال تبارك اسم ربك ذي الجلال والاكرام. تفهم معنى الرحمن بقى دلوقتي - 00:07:54

صفة الرحمن لازم بس تحسسك بالرحمة اللي هي الرحمة والحب والعطاء اللي هو الاكرام. ده اللي احنا بنستشعره. صفة الرحمن فيها من الجلال؟ صفة الرحمن فيها ايه فيها الجلال فيها العظمة والهيبة - 00:08:13

الرحمن هو اللي بيرحم وبينعم وبيكرم وبيتلطف بس بايه؟ بعزمـة وهـيبة وجـلالـ. عـشـانـ كـدـهـ هـتـلاـقـيـ بـسـ اللهـ الرـحـمـنـ اـرـتـبـطـ اـتـحـطـ فـيـ

مواضع وفي ايات لو انت شايفها بس على الجانب بتاع الاقرار مش مش لايقة - [00:08:33](#)

بس عشان انت اصلا شايف الاسم قاصر زي مسلا في سورة النبأ ربنا بيقول ايه اللي يحصل في الآخر خالص ان المتقين مفازا. صح ده يقع عنابة وكعب اترابا. وكأسا دياقا. ماشي؟ جزاء من ربك عطاءا حسابا. رب السماوات والارض وما بينهما ايه - [00:08:53](#)

الرحمن لا يملكون منه خطابا. شايف الجملة دي؟ الجملة دي لو انت مستشعر الجلال اللي في اسم الله الرحمن تفهمها برضو عندك صورة تانية معالي الرحمة فيها او اسم الله الرحمن من اكتر الصور اللي اتقال فيها بسم الله الرحمن. سورة ايه - [00:09:12](#)

صورة مريم. ماشي صورة مريم سورة مريم لما تقرأها تلاقى في اسم الله الرحمن كثير بس لما تقرأ السورة برضو سورة مريم نفسها هتلاقى في الاول ذكر رحمة ربك عبده زكريا اذ نادى ربها زعي ربنا - [00:09:28](#)

كان بيرحم سيدنا زكريا. هتلاقى هتلاقى الاقرار وبعد كده تعال شوف بقية الصورة هتلاقى تعالوا برضو عشان اذكر لكم الایات اللي في صورة مريم اللي هي تفهمك تكامل او الشمولية بتاعة اسم الله الرحمن. لما ربنا يقول ايه؟ ويقول الانسان - [00:09:45](#)

فاذما ما مت لسوف اخرج حبا. اولا يذكر الانسان انا خلقناه من قبل فلم يك شيء فوربك لنحشرنهم والشياطين. الكلام ده فين الاقرار؟ لأنها هنا الجانب الآخر. الجانب المهم. عشان كده - [00:10:07](#)

تيجي بقى تعالى اتفرج وربنا بيقول ايه آآ يوم نحشر المتقين الى الرحمن وفدا ونسوق المجرمين الى جهنم وردا و قالوا اتخد الرحمن ولدا. لقد جئتم شيئا ادا. ما ينفي للرحمن انه يتخذ ولد - [00:10:22](#)

بس الله الرحمن في جلال فهم قوي ان انت تشوف الرحمن بالتكامل ده الصورة آآ فسورة الرحمن اصلا بتتكلم عن الرحمن عشان كده لازم تذكر الليه؟ الجوانب دي كلها سورة مريم تفهمك اوبي اوبي اسم الله الرحمن. هتلاقى ايه؟ ان الذين امنوا وعملوا الصالحات سيجعل لهم الرحمن ودا - [00:10:39](#)

وهتلاقى فيها ان كل من في السماوات والارض الا اتي الرحمن عبده وصلت كده بسم الله الرحمن يا جماعة اسم عزيز. اسم في جلال واقرار المهم ان انت تبقى فاهم دي. هو اسم لا يتصرف به الا الله. يعني ممكن يكون فلان رحيم - [00:11:03](#)

بس الرحمن بس هو ربنا الرحمن بس هو ربنا. قل ادعوا الله او ادعوا الرحمن ده اسم اصلا من من عظمته وجلاله لا يتصرف به الا الله فهم ان انت تنذر له بالايده - [00:11:23](#)

بالكمال ده خلاص؟ فتيجي بقى للصورة تفهم بقى. الصورة بتتكلم عن انعام ربنا آآ في خلقه واحسانه الغزير وفي خلق الكون وربنا اعطانا ايه وادانا ايه فبأي الله نعم ربكما تكذبان وبعد كده - [00:11:41](#)

هتلاقى سنفرغ لكم ايها الثقلات. يا عشر الجن والانس ان استطعتم ان تنفذوا هنا اسم الله الرحمن. من من من جانب الجلال بيظهر والمجرمون اللي بيذربوا تعالوا شوفوا الرحمن هي عمل فيهم ايه - [00:12:00](#)

تعالوا شوفوا الرحمن هي عمل ايه فيهم؟ للي بيذرب ده فبأي الله ربكم وتكذبان المجرمون اللي بيذربوا دول تلاقى صور تلاقى وصف اللي بيحصل في وصف شديد الرحمن ذو الجلال وبعد كده لمن خاف مقام ربه لانه الرحمن لازم يتخاف - [00:12:15](#)

دي الاية دي اصلا لو انت مش فاهم باسم الله الرحمن يعني اللي من خاف ليه رب الخوف هي المفروض لمن احب مسلا صح لما هو الرحمن نتكلم عن الرحمة ونتكلم على - [00:12:34](#)

لأ الرحمن يستحق انك تخاف منه تحبه وتخاف منه انزر لي بعين الجلال والاقرار فالاسم فعل اسبحان الله الصورة دي بتبلور لك كده مين هو ربنا مين هو الرحمن؟ التكامل نبي عبادي اني انا الغفور الرحيم وان عذابي هو العذاب الاليم - [00:12:44](#)

الرحمن تخاف من زي ما تحبه وترجوه. وصلت كده؟ دي صورة الرحمن. فكل تفاصيل السورة كل تفاصيل موضوع الصورة في الكلام عن ربنا. وعن مملكته وعن عزمه وعن نعمه وكثرة احسانه ومحاسبته لخلقه - [00:13:07](#)

بالسواب والعقاب هو ده الرحمن. الصورة بتتكلم عن ربنا الشيكية من احلى الصور في القرآن. بتتكلم عن ربنا بس افعال ربنا صفات الرحمن. مين هو الرحمن واثار صفاتة ايه وبيعمل ايه؟ في الكون هي عمل ايه في الاخرة - [00:13:31](#)

بيتصرف ازاي مع خلقه كل يوم هو في شأن ربنا بيقول كده يسأله من في السماوات والارض كل يوم هو في شأن صورة صورة

مهيبة صورة عزيمة وعشان كده من احلى الصور طبعاً بالنسبة للناس كلها يعني. طبعاً احنا متعودين دايماً ان احنا نربط الصورة باللي قبلها دايماً. فربنا بيقول في سورة القمر - 00:13:49

آخر حاجة ان المتقين في جنات ونهر في مقعد صدق عند ايه عند ملوك مقتدر اللي هو الرحمن. فعلى طول تكلمك عنه بقى فطبعاً الصورة بتربطها كبيرة جداً. وما اعرفش ده صح ولا غلط. بس شفت حد حتى كان بيوصل. يعني يقول عند ملوك مقتدر الرحمن. يعني هو يصل - 00:14:12

بس يعني ايا كان ده بقى التجويد انا مليش في الحنة دي مبفهمش بس يعني قصدي انه ايه الصورة دي بتدخلك هنتكلم هنا عن الملك المقتدر وهذا بدأت تكلم مين هو الرحمن - 00:14:35

واول الصورة واخر الصورة واضح لان بدأت بالرحمن ثم افعاله. افعاله افعاله وفي الاخر خالص جت برضه في الاخر تقول ايه؟ تبارك اسم ربك ذي الجلال والاكرام. بسم الله الرحمن الرحيم - 00:14:47

تبارك فطبعاً اول الصورة واخر الصورة ومتsequ كله مع بعضه يعني آآ والمحاور يعني وانت بتقرأ كده خلاص واضحة ان هي بتتكلم على نعم ربنا على الانسان انه خلقه وعلمه واوجد له الكون تفرد ربنا - 00:14:59

بالمملكة والسلطان والتحكم وبعد كده يعني محاسبته لخلقته بقى في الآخرة يعني بعد ما ذكر الدنيا بيعمل معهم ايه وبيعاملهم ازاً وخلقهم واعطاهم. بعد كده الدنيا دي بتنتهي فاذا انشقت السماء ننقل على الآخرة ونشوف الرحمن في الآخرة موجود - 00:15:14

بيعمل ايه مع خلقه؟ سواء المجرمين او اللي خافوا ربنا وعبدوه يعني الاية المشهورة اللي في الصورة فبأي آلة ريكما تكذبنا جت كم مرة مين يقدر يعد مين اللي قال واحد التلاتين؟ اي - 00:15:32

حسسه بستة وعشرين. اقدر عد كده اقدر عد. يمكن تطلع صح عادي انت ليه قلت وحطيت يعني انت طب ماشي عد بقى عشان انا ما اعرفش. طيب فلو هي واحد سنتين ولا سنت - 00:15:49

وعشرين يعني رقم كتير او ها. خلاص انت حر واحد وتلاتين انا كتبت عارفك كتبت عارف ان هي اكتر ستار مش عارف واحد وتلاتين مرة يا جماعة سبحان الله يعني التكرار ده رهيب. وكل شوية نعمة تذكر وتتقال. نعمة واحدة - 00:16:04

وربنا ما يعني ما فيش نعمة تتفوت الا ويتقال بعديها والجن نفترك كان اول ما يسمع بيقول ايه ما كذبنا بالائلق قط. نعم. ما يعني سبحان الله الصيغة اصلاً بتاعة السؤال ده دايماً بصراحة وفي سورة النجم جت برضو فبقي ايه الاء ربك تتمارى. انت بتجادل على انهى نعمة - 00:16:33

الصيغة دي فيها حاجة يعني فيها حاجة اصلاً يعني ايه؟ هي اصلاً نعم. حد يكذب بنعم يعني هي بتتقال فبأي انت اي نعمة من نعم ربك اللي عمال يذكرها لك دي - 00:16:59

انت ممكن انهى نعمة؟ حد اصلاً هينكر نعمة؟ لا يبقى انت مش مصدق ليه؟ هو السؤال اصلاً مش يعني السؤال وراه سؤال يعني كان واحد عمل لك حاجة حلوة فايه فاداك مسلا فلوس فيقول لك ايه انا زعلتك بسبب ده فتقول له لاً ما هو ده ما بيزعلش اصلاً. فهو عايز يقول لك طب انت زعلان ليه - 00:17:10

طبع انت ليه آليه مش شاكر للنعم؟ والله المثل الاعلى السؤال ده اصلاً انت اي نعمة من دول بتكتب بها بسببها. انت ايه نعم خلتكم تبعد عن ربنا ما ينفعش يا رب ابعد عنك بسبب النعمة اصلاً - 00:17:29

انا ابعد عنك بسبب حاجة يعني تانية بس مش النعمة اللي طب انت بعدت ليه بقى؟ هو ده السؤال الحقيقي. انت بتكتب ليه بقى؟ يعني انت مش عايز ليه طالما مش النعم اللي خلتكم تبعد ايه اللي خلاكم تبعد؟ النعم اللي يخليك تقرب. انت بقى ما قربتش. انت بعدت بسببها. ليه ليه بسبب النعم بعدت؟ مش فاهم؟ فاهمين السؤال جاي لافف - 00:17:43

ازاي؟ لان هو فعلًا انت عايز تسأل واحد من الاخر انت ليه مش مع ربنا يعني انهى نعم اللي خلتكم لأننا متضايق كده ما فيش عشان كده الجن فعلًا يردوا رد لا شيء من نعمك ربنا انه باكذب ايه - 00:18:02

اعرض عن ايه فالنهاية دي كل ما تيجي لازم تقول رزق تحاول تايه تقلد الجن كده. وتقول لنفسك هي دي مسلا ولا دي طب ربنا ما

يتحبش على دي؟ ما يشكرش على دي - 00:18:19

ما يعزمش عشان دي فتعالوا نمسك اشواط الصورة. اول شوط قلنا لحد اية كام؟ لحد الاية تلاتين. و النبي صلى الله عليه وسلم ربنا سبحانه وتعالى يقول ايه؟ اول حاجة خالص. مين هو الرحمن؟ تخيل لما اول حاجة يقولها لك - 00:18:33

الرحمن اللي علمك القرآن ده الرحمن العالمي بالقرآن ده. فيه نعم كتير وفيه افضال كتير وفيه افعال كتير. بس اعزم حاجة ربنا عملها لنا هو بيقول لنا كده. اعظم حاجة هي ان انا علمت - 00:18:52

مش نزلت لك القرآن علمتك القرآن خلي بالك هو اللي علم القرآن. هو اللي خلى الناس تفهم ايه الكلام ده. يوصل له اللي يوصل لها الكلام ده ويفهمها ايه الكلام ده؟ ويعلمها ايه الكلام ده؟ ويوربها اسرار الكلام ده - 00:19:05

دي اعظم حاجة اللي بعديها على طول خلق الانسان دي مش اعظم منها يعني لو ربنا خلقنا وما عرفناش مين هو وايه الدنيا وايه الجنة وايه النار الخلق ده ما يساويش كتير - 00:19:26

يعني زي الترابيزة دي كده مسلا زي اللمة دي كده. مخلوق عادي بس مخلوق غيته محدودة جدا الهدف من وجوده بسيط جدا. هو مسخر كده عشان بس ايه لحظات الدنيا دي وخلاص. الانسان مش كده - 00:19:41

يعني الانسان لو شاف ان هو فعلا حقيقته ان هو بجد محور ابتلاء الدنيا ده هو نفسه يعزم نفسه. يعني يحس ان هو فعلا الموضوع كبير. ولقد كرمنا بني ادم. ربنا قال كده. انا موضوعي كبير. انا مش موضوعي ان انا اجي اقضيكم يوم في الدنيا دي وخلاص - 00:20:00

وبجد اللي بيتبني دلوقتي خلاص عقيدة الالحاد دي هو فعلا وصل لمرحلة من التصالح مع انه انا جاي شوية وماشي وعالفاضي ازاي تنزل يعني ازاي ترضي بهم ازاي ترضي بان انا ولا حاجة في الآخر زي السجاد عادي - 00:20:18

السجاد يقعد شوية ويمشي وننعد شوية وامشي. في حين ان ربنا نزل لنا قرآن وكرمنا آآ بالامانة. انا عرضنا الامانة على والارض والجبال فابينا ان يحملناها وشفقنا منها وحملها الانسان. انت - 00:20:36

انت معك الامانة. القرآن نازل عشان يعرفك انت مين. القرآن ده هو شرف كل حاجة وربنا قال كده. لقد انزلنا اليكم كتابا فيه ذكركم. ذكركم يعني شرفكم. ذكركم مش يعني - 00:20:52

انك تتذكر مش المعنى ده. الذكر من احد معانيه الشرف القرآن ذي الذكر ده من معانيه ماشي؟ فربنا بيقول ان القرآن ده فيه شرف لانك القرآن ده يعرفك انت مين؟ بعد ما تبقى انت كنت فاكر انك كده بتبقى كده. بسبب القرآن. ده بيوربك حقيقتك. كنت مصغر نفسك قوي. كنت مستتره نفسك قوي. كنت ولا حاجة - 00:21:08

كنت انسان بيمشي ورا ماديات وشهوات زي الحيوانات كده ناكل نشرب نتجاوز ننام نقاتل بعض نموت. زي الحيوانات بالزبط والله بعد كده القرآن عمل ايه في الانسان خليه يرتفقي. اقرأ ورتل وارتق. خليه يرتفقي - 00:21:28

اللي يفهم ان هو له رب وان هو عبد وان هو فيه جنة وان هو مخلوق عشان يقيم دين. وان هو خليفة في الارض القرآن آآ رفعك في حلة تانية خالص - 00:21:45

هو كده يا حسام خالد انه الكتاب ده يرفع اقواما فدي اعزم حاجة اعظم حاجة انك تبقى عندك امكانية انك تخش جوة القرآن. تتعلم قرآن اعظم من انه خلق الانسان اه طبعا يعني - 00:22:00

ايه ده فيه اناسيه كتير او مخلوقين عادي وما لهم قيمة انما اللي فيهم معه قرآن ده الحاجة العامل المشترك هنا هو ايه العمل المختلف هو موضوع القرآن ده. دي اعزم اية. دي اعزم نعمة - 00:22:16

يعني احنا لسه هنتكلم عن الكون والدنيا وربنا عمل لك ايه؟ دي اعزم حاجة. دي اول حاجة دي اشرف حاجة فهم قوي ان احنا نقدر ترتيب ده مقصود. الترتيب ده عشان يقول لنا دي اهم حاجة انه علمك القرآن - 00:22:35

بعد كده خلق الانسان. بعد كده علمه البيان البيان بقى انه انه في لأ قال لك البيان انه يفهم كل حاجة تانية اول بيان ان هو يعرف يعبر اصلا عن القرآن ده - 00:22:51

انما اول حاجة هي ان احنا يا جماعة الحمد لله احنا عندنا مش ان احنا اتلخقنا الحمد لله ان انا ربنا عرفني الحقيقة. وراني القرآن ده.
فتح لي ان انا اقدر افتحه اقراه. احضر درس. اصلی به - [00:23:03](#)

هو ده بجد قارن نفسك قبل القرآن وبعد القرآن. تفهم قصدي يعني تعليم القرآن انك تعرف الدين وانك تعيش الحياة دي اهم من ان
انت اتلخقت اصلا. ده بس آآ - [00:23:20](#)

ده بس اللي عايزين نفهمه نعمة الدين هي هي فعلا النعمة. هي دي بجد النعمة وبعد كده طبعا ايه الشمس والقمر والنجم والشجر
والسماء. ربنا هو بيتكلم عن هو عمل ايه في الدنيا دي - [00:23:34](#)

وازاي وضع عليها اسس في شمس وفي قمر وفي سماء وفي ميزان يعني فيه عدل ربنا وضع آآ نظام عادل الشمس والقمر
وكله بيمشي بالطريقة دي والماء بتنزل كده وده يعيش كده وده يعيش كده ووضع قوانين حتى لطريقة العيش - [00:23:51](#)

تتعمل ازاي وده يتعامل ازاي بعدين بعد ان الانسان بوز ده بس ربنا بيقول لك انا خلقت الكون ده بتفاصيل التفاصيل بتاعة النظام
بتاعة. سواء بقى ايه هي المخلوقات وايه هي الموجودات وتمشي ازاي وتروح ازاي - [00:24:08](#)

اتحرك ازاي حاجة عظيمة جدا يعني. وبعد كده ننزل بقى والارض وضعها للانام فيها فاكهة والنخل والحب. وبعد كده خلق الانسان
وخلق ربنا بيقول لك هو مين؟ هو عمل ايه - [00:24:22](#)

الكون العظيم ده. دلوقتي حاطين صورة وفرحانيين بها. انا بصراحة الحاجات دي ما بعرفش اتأسر بها قوي عشان احنا غالبا مش علماء
فلك بجد فاللي هو قشطة يعني دي صورة صح؟ انا بقىت احس ان القرآن - [00:24:37](#)

ورينا الصور دي بدرى بدرى يعني اذا الكون طلع واسع قوي كده احنا طلعننا صغيرين قوي كما انا النبي صلى الله عليه وسلم في
حديث من الف وربعه واتكر - [00:24:51](#)

قال ايه ما السماء الاولى في السماء الثانية الا كحلقة في فناء؟ وما السماء الثانية في الثالثة اليك؟ يعني هو اصلا رسم لنا الصورة دي
والنبي صلى الله عليه وسلم يقول مسيرة من سماء لسماء خمسماة عام - [00:25:05](#)

ومسيرة من سماء خمسماة عام. النبي صلى الله عليه وسلم رسم لنا اصلا الابعاد دي المساحات دي فبقيت احس معلش ان انا ايه اولا
انا يعني انا مش يعني انا حاسس انا عارف اصلا يعني انا بس انا بس ما شفتش الصورة. يعني انما انا اصلا كمان عشان الافلام وكده
فانا فغالبا شفتها فالنبي صلى الله عليه وسلم - [00:25:17](#)

بيتكلم انا جت في بالي خلاص يعني الابداع الرهيب ده انا حاسس ان القرآن والوحى وصله لي اصلا بدرى بدرى صورة زي سورة
الرحمن ساعدتني على انه آآ الصورة دي تبقى ماشية يا جماعة انا معي ماشي معكم بس يعني سورة الرحمن ورتني اكتر من كده
بصراحة - [00:25:35](#)

بدرى يعني. فهو مش استقلالا بالصورة بس هو انا بقىت انا انا كده. انا مش بقول ان انت لازم تبقى كده. بس انا بتفرج على الحاجات
دي يعني انتم لسة دلوقتي حالا واخدin بالكم من العزمة. انا - [00:25:54](#)

ده اللي بييجي يعني طب ما انا عارف انه ان ربنا كده. والكون كده يعني القرآن قال لي ده من زمان قوي والوحى قال لي ده من زمان
قوي واحاديس النبي صلى الله عليه وسلم من زمان او النبي صلى الله عليه وسلم يقول اطت السماء وحق لها ان طنط اطت يعني
يعني عارف لما - [00:26:04](#)

عارف التصديق ده ده معنى اتقطت يعني عليها تقل فظيع. قال ما من موضع اربع اصابع الا وفيها ملك. راكع او ساجد فالحاديis ده
من زمان قوي وانا والسماء العزيمة دي مليانة ملائكة عمالة تسبح ما انا - [00:26:22](#)

فسورة الرحمن هي بتعمل كده دلوقتي نص الكون وسط ربنا خلق والسماء رفعها وخلق الانسان من صلصال وخلق الجنة المارج وبعد
كده ايه مرج البحرين يلتقيان يعني تخيلوا الصورة بتاعة البحر دي اللي هي داخلة في بعض دي لسه طالعة دلوقتي - [00:26:36](#)

هو بقى انت لما شفت الصورة دي اية في القرآن مش ده خلاص ماشي مش دي الاية في القرآن؟ طب خلاص
اديني شفتها ماشي تمام؟ مش حاسس ان انا ايه - [00:26:53](#)

اتفاقات قوي لأن القرآن قال بالضبط الوصف ده. مرج البحرين يلتقيان بينهما بربخ لا يغفيان. فسورة الرحمن يا جماعة بيخليلك سابق 00:27:02
بكثير قوي بصراحة. بيخليلك قدام يعني هم لسه ايه جايين. بس القرآن بيخليلك كده يخرج منها اللؤلؤ والمرجان -
وبعد كده ولوه الجواري المنشآت في البحر كالأعلام فاول اآ اول الاليات دي خلاص ربنا بيظهر وبيقول يعني كيف خلق هذا الكون
ونعمه وعظمة الخلق نفسه ولو الجواري المنشآت في البحر كاعلام. حد مش فاهم الاية دي - 00:27:22
انا مش بشرح دلوقتي بس انا حاسس ان الكلام اغلبه واضح يعني بس هي بتتكلم على السفن يعني. ان هي السفن كالاعلام في البحر
اصل خلي بالك تركيبة الجملة الجملة اصلا مكتوبة بالاية؟ ماشي؟ بطريقة مختلفة. فهي - 00:27:43
العلامة اللي هي الجبال هو ربنا بيقول لك السفن وهي بتجري الجوار. ماشي؟ وهي ناشئة كده ضخمة حاجة ضخمة بتجري في البحر
بقت عاملة زي فاهمين الجملة ده معناه طيب - 00:27:57
وبعد كده تلاقي كل من عليها فان. الله! الكون احنا لسة عمالين نبنيه اصلا فاهم! كل من علي فهم. عشان تبقى فاهم برضه حقيقة
الدنيا دي ويبقى ايه وجه ربك ذو الجلال والاكرام. ودي بقى الاحاديث العظيمة - 00:28:13
اللي بصراحة بحبها جدا في الاية دي. النبي صلى الله عليه وسلم يقول انه يقبض الله تبارك وتعالى السماوات او يقبض الله الارض
يوم القيمة يقبض الله الارض يوم القيمة. والسماءات مطويات بيمنه - 00:28:29
يا اية برضو دول كده وما قدروا الله حق قدره والارض جميرا قبضتها يوم القيمة. والسماءات مطويات بيمنه. فالنبي صلى الله عليه
 وسلم قال الجملة دي. بعد كده ربنا قل لي ثم يهتف - 00:28:48
بصوته من كان لي شريكا فليأتي لمن الملك اليوم هنتكلم على انهي مشهد المشهد ده رهيب يا جماعة كل من عليها فان ده مشهد انا
عائزك تتخيل معي هو في ايه؟ هو ما فيش حاجة - 00:29:00
ما فيش سما وما فيش ما فيش كور ما فيش كون بقى ما فيش مجرات ما فيش انسان ما فيش حيوانات ما فيش شجرة ما فيش
حاجة كل من عليها فان يفني - 00:29:16
طب فاضل ايه كله بييفني. فين الحيوانات؟ كله فنى مش موجود رجع تاني عدم. انت فاهم يعني ايه فين الملائكة كله يفني طب طب
فيه ملايكة بتتبقى يعني عايزين نعرف العقد التنازلي لحد اللحظة دي ايه اللي بيحصل - 00:29:24
كله بييفني ملك الموت بيقبض ارواح بيقبض روح سيدنا جبريل فاحنا هنتكلم عن ايه؟ ما فيش ملايكة ويتبقى حملة
العرش وملك الموت. وملك الموت يقبض ارواح حملة العرش. ومين اللي هييشيل العرش بعد كده؟ ربنا مش تحتاج اصلا الملائكة دي
يعني - 00:29:42
في فرق ما بين ان دي جنود ربنا وما بين ان هم لهم احتياج ان هم مش لازم اصلا عرش يحمي العادي لوحده وبعد كده ربنا يأمر ملك
الموت فيقبض روحه هو. ملك الموت - 00:30:01
ومش ما بيتباقش غير ربنا في الكون ده. انت فاهم ما فيش كون اصلا. في الوجود ما فيش غير ربنا انت انا اللحظة دي يا جماعة ايه
مش مش قادر استوعبها يعني ما فيش غير ربنا. ما فيش هو ده الاول ولا الاخر ولا اسم الله الاول والاخر - 00:30:15
كده اللحظة دي يعني فعلا بتكرهيني كده لأن ربنا بيقول لمن الملك اليوم ربنا بيقول ايه لمن الملك اليوم؟ مين بييرد ما فيش حد بييرد
ربنا يقول يأخذ الجبار سماواته - 00:30:32
سماواته وارضه بيده. وقبض بيده فجعل يقبضها ويسيطرها. النبي صلى الله عليه وسلم. ثم يقول الله انا الجبار الجبارون اين
المتكبرون ما فيش حد ييرد لا يجيبيوا ايه احد انا عمال اسأل نفسى طب انت يا رب ليه بتقول كده؟ اذا كان ما حدش سامع اصلا -
00:30:53

في حاجة كده استفهام عن عن ربنا سبحانه وتعالى ان ربنا هو كده ومش بيعمل كده عشانك يعني انا ساعات اقول مسلا في يا
جماعه مسلا حيوانات مخلوقة مسلا ده ادغال او مسلا فيه - 00:31:19
البطاريق مسلا وفاهم والبول ييرد دي في اللي هو القطب الشمالي ده هي عاشت وماتت واحنا مش هنعرفها. يعني فاهمين قصدي؟

يعني في كواكب هم لسه ماشية هيكتشفوها والكون هيخلص. طب هي ليه كانت موجودة؟ يعني هو ربنا هو - 00:31:37

انا كده استفدت بها لأنها مش بيعملها عشانك اصلا هو بيعملها عشان هو كده ربنا عزيز للدرجة دي وخلاص دي دي بقى لما تستوعبها تفهم اللحزة دي بتحصل ليه مش بتحصل عشاننا اصلا احنا مش موجودين عشان نؤمن بسببها ولا عشان هي بتحصل عشان هو ربنا كده - 00:31:53

هات الموبايل. جايين تهزروا يا جماعة ولا ايه فالهمم انك تستوعب اعملوا كل موبايلات دلوقتي حالا. يلا اديكم فرصة عشان لو في واحد تاني همشيه بقى تمام صلوا على النبي. صلى الله عليه وسلم - 00:32:11

فكل من عليها فان كله يفني بقى وبعد كده ايه؟ ويقى وجه ربك ذو الجلال والاكرام. طيب وبعد كده الشوط الثاني اللي هو بيقول لك هو بيتكلم عن الجلال بقى. يسأله من في السموات والارض - 00:32:29

كل يوم هو في شأن سنفرغ لكم ايها الثقلان الاية اية شديدة لانه بعد النعم دي كلها في ناس كذبت في ناس اعرضت وفي ناس الحدت وفي ناس انكرت. لا دول مش هيتسابوا بقى - 00:32:47

بسم الله الرحمن الرحيم مش يعني من من معانيه قلنا انه ما حدش يفلت اه هينعم وهيكم وهيعطي واه وربنا حليم وربنا سثير وربنا وهاب وربنا كريم وربنا مجيب بس مش هيفلت منه حد - 00:33:05

سنفرغ لكم ايها الثقلان. الاية دي شديدة قوي يا جماعة. ربنا بيقول لنا آآ لكم يوم ويقول ايه ما حدش يعرف يفلت. يا معاشر الجن والانسان كله بقى. خلاص كلام موجه لكله. لا بقى آآ مسلمين ولا مش - 00:33:24

ولا بني ادميين كل ربنا يقول ربنا يوجه كلامه كله لان ربنا بيملك كله. والكلام ده السنن دي تسرى على كله. عشان تبقى فاهم ان انت ما فيش حد - 00:33:42

عن حد مش الا بالتقوى. غير كده كل واحد عند ربنا يا معاشر الجن والانسان ان استطعتم ان تنفذوا من اقطار السموات والارض فانفذوا لا تنفذون الا بسلطان. لو تعرف تهرب اهرب - 00:33:55

الايتين دول يا جماعة والله فعلا يخلوا اي واحد فعلا يقف مع نفسه شوية. انت بتتعامل مع حد انت لك يوم ولك اجل وما نؤخره الا لاجل محدود. ربنا بيقول كده - 00:34:11

انت لك يوم ولك لحزة وكده هتتجي وهي مسألة وقت وربنا يقول فلا تعجل عليهم انما نعد لهم عدا. ما تستعجلش. العذاب بيعد ومن المعاني برضو حسن البصري يقول في التفسير انه نعد يعني نعد بنعه واحد اتنين ثلاثة بنعه واحد فاضل لهم قد ايه - 00:34:24

انفاس نعد لهم عدا فانت محتاجين نفكر نفسنا بالحقيقة الواضحة دي انه انا كده ولا كده لا رايح له عارفين اللي هو الممشى ده بتاع المطار ده انت كده ولا كده رايح لربنا. سنفرغ لكم ايها الثقلان. كده كده ما تعرفش تهرب - 00:34:46

اه كلا لا وزر يقول الانسان يومئذ اين المفتر الاحساس يا جماعة بالقهر ده الاحساس بالاحاطة دي بيخلني الانسان ما يعرفش يرد. يعني انا هاقي اقول ايه طيب؟ ههرب ازا كان ما اعرفش اهرب. عمري ما هفلت. كده كده هو محبيط. يعني السما والارض انا هتتحرك فين - 00:35:06

وهم كده كده هو الاعلى وهو المحيط فهم قوي ان احنا نكل نفسنا كده شوية بس يا جماعة ان احنا بقى فاهمين انه انا مخلوقين ان احنا مقهورين ان احنا مغلوبين على امرنا - 00:35:27

فده يخلينا نظبط لان انت ما عندكش حلول. يعني الموضوع برانا فلانا نزبطة المقطع ده بيتكلم عن عزمه ربنا وتحكمه في كل ملكه ده بقى. بما فيهكم احنا ويسأله من في السموات والارض كل يوم هو في شأن - 00:35:45

ان ربنا هو اللي بيقوم على على الملك ده. ماشي قلنا بيتحكم فيه وبيفهه وبيحيط به. بس هو كمان اصلا الايه؟ اللي بيقوم عليه يسأله من في السموات والارض؟ يعني ما فيش حد بيسأل غيره وكله بيأسله بقى - 00:36:05

وده معنى بيعاني بسم الله الصمد. الصمد الذي ايه؟ لا يحتاج الى احد. وكل احد يحتاج اليه ومعنا اسم الله القيوم. القيومي اللي هو ايه اللي هو يقوم على شئون كل الخلق - 00:36:21

ولا يحتاج ايه؟ لاحد عشان يقوم على شؤونه فتحس كده ان هو ما فيش غيره هو الرحمن. ما فيش غيره. يسأله من في السماوات والارض كل يوم هو في شأن. يعني ايه كل يوم هم في شأن - [00:36:34](#)

سیدنا ابو الدرداء يقول يعني من شأنه ان يغفر ذنبنا ويفرج كربا ويعرف آقاوما ويختبر اخرين ان ربنا كل يوم لهم في شأن ده بيشفى وده بيحيى وده بيمات وده بيقى وده بيمرض وده بيرزق وده بيمنع كل يوم من هو فيه شأن يدبر ربنا - [00:36:46](#)

فان انت تستوعب ان ده ربنا. النبي صلى الله عليه وسلم يقول ان الله لا ينام ولا ينبغي ان ينام يرفع القسط ويختبره ويعرف اليها عمل النهار بالليل ويعرف عليها عمل الليل بالنهار - [00:37:06](#)

القسط اللي هي الارزاق يعني ربنا بيقدر صبح وليل لا ينبغي ان انام. ويقول النبي صلى الله عليه وسلم يمين الله ملأى يمين والله ملأى عطاء ربنا. يمين الله ملأى لا يغيبها - [00:37:24](#)

نفقة يعني ما بتتقىش من اي عطاء سحاء الليل والنهار. سحاء يعني معطاء برضو. يعني السحاء ده يا جماعة فيه لما واحد يفتح خرطوم ده معنى سحاب عطاء كسيير جدا. يقول ارأيتم ماذا انفق منذ خلق السماوات والارض - [00:37:38](#)

ربنا اعطى قد ايه؟ فانه لم يغض ما في يمينه وعرشه على الماء الایات دي بتعرفك مين هو ربنا مين هو الحي القيوم مين اللي بيملك؟ هو ده الرحمن يا جماعة. ملخص اسم الله الرحمن الصفات الجلال والاكرام دي - [00:37:55](#)

وبعد كده ربنا بيقول ايه؟ نبدأ الحساب بقى. اه هو اللي خلق وهو اللي اعطى وهو اللي عمل وفيه اخرة فاذا انشقت السماء فكانت ايه وردة كالدهان فيومئذ ليسأل عن ذنبه انس ولا جان. يعني ايه بقى يومئذ لا يسأل عن ذنبه انس ولا جان - [00:38:16](#)

من تفسير ابن عباس ان هو لا يسألهم يعني ايه يا جماعة؟ لا يسأل عن ذنب. هي لها كزا كزا معنى يعني. بس انت لما تقرأها كده ايه اللي بيجي فيها؟ يعني ايه لا يسأل عن ذنبه - [00:38:36](#)

ما حدش هيسأله هو يسأل اه هو مش هيسأله ايه؟ انت عملت ايه؟ انت عملت كزا؟ هو مش هيسأله كده هو يسأله ليه عملت كده شايف الفرق في السؤال؟ اه لا يسأل عن ذنبه. هو كده كده عارف - [00:38:48](#)

هو ربنا رأى وسمع وعلم ومكتوب ووجدوا ما عملوا حاضرا. فهو بيقول لك ايه؟ لا يسأل عن ذنبه انس الا جان. لا يسألهم هل هل عملتم كزا وكزا؟ انما اسألهم ليه ما عملتم كزا وكزا - [00:39:06](#)

زي صورة ياسين لما ربنا بيقول وامتنعوا اليوم ايها المجرمون الم اعهد اليكم يا بني ادم الا تعبدوا الشيطان؟ هو هنا مش بيأسله انت عابدت الشيطان ولا لا وخلاص الم اعهد اليكم - [00:39:21](#)

يا بني ادم الا تعبدوا الشيطان فسبحان الله ربنا فعلا الرحمن اه فاذا انشقت السماء. السماء بتتفطر وبعد كده بتتشق وبعد كده بتسقط وتهوى وبعد كده آ السماء بنحر جهنم - [00:39:35](#)

بالوانها بتتغير لحد ما تحرم وبعد كده تسيل زي الزيت المهل خلاص دي دي كده ايه مراحل اللي بيحصل في السما فدي انهي مرحلة؟ فاذا انشقت السماء فكانت وردة وردة يعني حمرا - [00:40:00](#)

يعني زي الورد كده لونه احمر كالدهان يعني زي الایه؟ الدهان بتسيح وتبقى بتتحمر وتسقط وربنا بيتكلم عن السماء وهي بتنهار وبتندمر تماما السماء العزيمة دي اللي انت شايفها هادية وسابتها يعني برضو فيها فيها جمال وفيها - [00:40:15](#)

جلال السماء دي لعظمتها وجمالها ودهنها. بس يوم القيمة تنهار تماما. انشقاق اذا السماء انفطرت. انفطار يعني الشق الصغير بعد كده يرسمها مشقط اصوات غريبة جدا في السما. وبعد كده من المراحل اللي بتحصل في السما ان هي ايه؟ بتسيح - [00:40:32](#)

ولونها بيتغير. فده اللي بيتعال هنا يعرف المجرمون بسيماهم. يعرف المجرمون بايه نسيماهم اه. النبي صلى الله عليه وسلم يقول انه لا يأتي او لا يؤتى لا يأتي الرجل العظيم السمين يوم القيمة. لا يزن عند الله جناح بعوضة - [00:40:51](#)

هو معروف ده لازم يتجرأ ده. النبي يقول يحشر المتكبرون يوم القيمة امثال الذر في صور الرجال يغشاهم الذل من كل مكان. كله بيتجاب بقى وكله معروف. يعرف المجرمون بسيماهم - [00:41:11](#)

فيؤخذ بالنواصي والاقدام دي الناصية ودي الاقدام عارفين لما واحد بيجي يمسك فرخة كده ده اللي بيحصل فيؤخذ بالنواصي

والاقدام وبعد كده يتربموا في جهنم ويقال هذه جهنم التي يكذب بها المجرمون - 00:41:29

فرينا بيوصف حالهم بقى جواها. يعملوا ايه؟ يطوفون بينها وبين حميم. قال عمالين يطوفون فعلا ايه فعل مضارع عمالين يطوفوا وعمالين يجروا جوة النار بينها يروح شوية النار وبعد كده يروح شوية عند الحميم اللي هي المية الان يعني ايه ان يا جماعة؟ ان عارف لما - 00:41:47

عارف لما تغلى الماء وبعد كده اللحظة اللي البتاع فيها بيفصل اللي هي دي اعظم او او اشد درجة حرارة هو ده الان الحميم الان يعني الحميم اللي درجة حرارته بالزبط زي ما المفروض تبقى عنده مغالية - 00:42:07

فعمالين يتحرکوا من هنا لهنا. وده حالهم وتخلص كده. هو مشهد سريع جدا بس بيؤكد الرحمن عارفهم والرحمن مش هيسبيهم الرحمن هيحاسبهم وبعد كده ربنا يقول ولمن خاف مقام ربہ جنتان - 00:42:23

الصفحة الأساسية اللي الناس كلها بتحبها اللي الناس كلها متعلقة بها وصف الجنة بقى في الصورة اللي هو مبني على ان الواحد بيحب الرحمن وبيخاف منه المقام ده القدر ده - 00:42:41

الواحد يعني ايه الصورة دي بتبنيه عمالة تبنيه طول الصورة عظمة الرحمن خلق الرحمن قوة الرحيم الرحمن القيوم الرحمن اللي بيبقى وكل الرحمن اللي ما حدش بيفلت منه الله الرحمن. اللي علمنا اللي خلقنا اللي اعطانا اللي رزقنا - 00:42:56

بتبني عنك فعلا الایمان ده. بتبني عنك الخوف ده انت بتدخلك بقى خلاص الجنة وانت ايه؟ وانت جاهز. ولمن خاف مقام ربہ ايه بقى جنة لأن هو باسم الله الرحمن يعني مع الخشية والاجلال دي بيعيش على الشكر بقى. بيعيش على الحب. انت لما تعرف ان ربک هو الرحمن بتطمئن - 00:43:15

بترتاح وبعد كده بقى بتتكلم عن الجنة والرحمن زي ما يا جماعة ملش صفحة كاملة عمل ايه في الدنيا ويعمل ايه في الدنيا صفحة كاملة واكتر صفحة ونص عن هي عمل ايه في الآخرة؟ هي عمل ايه في الآخرة؟ فانت مع عظمة ربنا وجمال ربنا وكرم ربنا تفتقرا الآخرة - 00:43:38

هتبقى عاملة ازاي. ودي من الصور القليلة جدا يعني هي والواقعة بالزات اللي بعديها اللي فيها تفصيل تفصيل عن الجنب تفصيل واؤ والمرة دي وده برضو الصورة الوحيدة اللي فيها هو الذكر ده اللي هي - 00:44:00

فالواحد ما كنش فاهم هي مش جنة فجت الصورة دي تقول لأ الجنة درجات الجنة درجات. الجنة مش حاجة واحدة والنبي عليه الصلاة والسلام قال له الجنة الجنة مئة درجة. وانه اهل الغرف يتراءون. يعني ايه يتراءون؟ يعني بيبصوا لبعض. كما آآ تتراءوا الكوكب الدرى. زي ما انت - 00:44:19

شوفوا عارفين يا جماعة بنشوف ستالايت كده نجمة دي نجمة ولا دي ستالايت هم اهل الجنة بيبقىوا كده الفرق ما بينهم كده في ناس فوق شايفين يا جماعة الناس دي بتبقى كده - 00:44:40

واللي من خاف مقام ربہ جنتان. عشان كده كمان شوية قال ومن دونهما جنتان. دي حاجة ودي حاجة انا عصام قل جنتان انيتها من ذهب خلاص واكلهم من ده واكلهم ولبسهم وقال انيتهم من فضة دي حاجة ودي حاجة. الجنة درجات. وربنا هنا بيتكلم عن الجنة عاملة ازاي - 00:44:49

بتفصيل الدرجات عشان كل واحد كده يقرأ ويشفوف وانا هبقى في دي ياه ده دي احل في الحلة دي ياه ده انا نفسى ابقى هنا ياه ودي بردو مش مشكلة وتقعد كده تتقعد - 00:45:10

ما بين درجات الجنة. عشان بعد كده بقى تيجي سورة الواقعه وتتكلم بقى وكتنتم ازواجا ثلاثة فاصحاب الميمنة واصحاب المشائمة والسابقون. ونفصل بجد في اهل الدرجات دول يعني العلاقة بين الصورتين كده قلناها برضه ماشي؟ طيب - 00:45:23

بس مبدئيا كده اتعلم من ابن عباس وهو بيقول ليس في الجنة شيء مما في الدنيا الا الاسماء يعني هنا هنسماها زيهما. انما ده ما لو ش دعوة بده وده منطقى - 00:45:39

يعني انا انا ربنا بيقول انه الدنيا الجنة فيها ما لا ربنا يقول ما لا عين رأت. طب ما انا شفت في الدنيا ببقى خلاص ببقى كده فهمنا.

اللى هنا مش هو اللي هنا - 00:45:54

بس احنا بنتكلم يعني ايه بنسميه نفس الاسماء عشان انت بس ايه تتصور شوية الجنة. انما الحقيقة ان احنا ما نعرفش ايه اللي جوة الجنة اصلا هي جوة ولا فوقة. ولا انا ما اعرفش حاجة - 00:46:04

في حاجة اسمها جنة مكان ربنا وعد به ان هو ايه يجازي به اللي اطاعه. عاملة ازاي؟ احنا ما نعرفش. ما حدش يعني النبي صلى الله عليه وسلم يعرف. يعني في ناس دخلت الجنة - 00:46:17

النبي صلى الله عليه وسلم عارف الجنة عاملة ازاي في ناس دخلت قصدي يعني ايه النبي صلى الله عليه وسلم والانبياء. في ناس فالجنة النبي عليه الصلاة والسلام دخلها. بس النبي صلى الله عليه وسلم لما بييجي يوصف لنا الجنة او - 00:46:29

ربنا اما يبجي يوصف لنا الجنة يعمل ايه اسماء يعني ايه يقول لك يعني ذي كده ان انا بقول لك تخيل بقى وعربية وسرير نفس الكلام
برضو بس هي عربية والسرير دي حاجة مش في الجنة ايه اللي في الجنة؟ ما اعرفش ايه المواصلات - 00:46:42

عارفینها طب لو انت مش عارفها ما انا ما اعرفش طب خلاص في حيوان عامل الزعيمق وعامل ازاي زي الاسد ماشي بس هو مش زي الاسد ما هو 00:46:54

الاسد ما هو - 00:46:54

هي وسائل المعرفة كده متعلقة بالايده ؟ بالحواس والادراك فما فيش ادراك ولا فيه معرفة فيه ايده ؟ ولا حاجة فيه شوية اسماء بقى هنقول فاكهة وكده بس هي ايه الاكل اللي فييه ؟ ما اعرفش برضو - 00:47:12

00:47:12 هنقول فاكهة وكده بس هي ايه الاكل اللي فيه؟ ما اعرفش برضو -

فسيدنا ابن عباس سبحان الله عشان بس الناس فاكرة ان العرب دول متأخرین لأن ده نبعة هو يقول لك هي شوية هي اسماء بس عشان نقارن انما في الحقيقة احنا ما نعرفش احنا هننعد - 00:47:25

عشان نقارن إنما في الحقيقة إحنا ما نعرفش إحنا هنفعد - 00:47:25

على ايه ونمسك ايه ونشوف ايه ما اعرفش بس بنتصور كانها دنيا ما حصلتش. بس هو ده اللي بيحصل انما النبي صلى الله عليه وسلم بس يقول ايه بقى ان في الجنة - 00:47:35

وسلم بضم يقوى ايه بفتح ف في الجنة -

حيمه ماشي من نولوه مجوقه انه المؤمن عنده في الجنه حيمه. فانا بالنسبة لي الحيمه دي حيمه. ماشي؟ فعال ايه النبي وسلم من لولوه؟ اللولوه دي احنا بالنسبة لنا ده اللولوه. صح - 00:47:50

دالله علیکم و سلیمانی و علیکم السلام و علیکم السلام و علیکم السلام

طريق السخنة. يعني فاهم احنا بنتكلم عن ايه دلوقتي؟ بنتكلم عن لؤلؤة - 00:48:20

بيقول انه في لحزة في حاجة كده. فين في حاجة كده عايز اقول لك علىها - 00:48:34

00:48:34 بيكول انه في لحظة في حاجة كده عايز اقول لك عليها -

لؤلؤة ستين ميلاً. يقول سنتين ميلاً. بعد كده النبي صلى الله عليه وسلم يقول في كل زاوية منها أهل هي اصلاً عاملة كده ففي كل زاوية يعني انتم فاهمين اللي حاصل احنا دلوقتي هنحاول نعيش نتخيلها صغيرة شوية وبعد كده نعمل زوم كده - 00:48:53

^{١٣} كلامه أصله ملحوظ في مقدمة كتابه *الكتاب والكتاب* (الطبعة الأولى، ١٩٦٣).

آخرین یعنی ایه - 00:49:09

احریں یعنی ایہ -

يعني دول مش شايفين دول مش شايفين دول ويقول ان يطوف عليهم المؤمنون يروح يقعد مع الناس شوية يقعد هنا شوية يروح يقعد هنا شوية ويقعد في الخيانة دي ها - 00:49:26

٥٥,٤٩,٢٥ سویه یرو یمدد ها سویه و یمدد فی الحیاہ دی ها -

يُفَعَّل دَهْ شَوَّيْهِ أَيُوَهْ هِيَ الْفَكَرَهُ أَنْ أَنَا أَيَهْ سَتِينْ مِيلْ يَعْنِي أَيَهْ حَاجَهُ عَامَلَهُ رَيْ نُولُوَهُ بَيْرَهُ وَمَجْوَفَهُ وَقَدْ طَرَيْوُ
السَّخْنَهُ وَمَلِيَانَهُ حَوْرُ عَيْنِهِ أَيَهْ دَهْ بَقَى! أَيَهْ الْمَكَانُ الْغَرِيبُ دَهْ! عَشَانُ مَا يَنْفَعُشُ تَبَقَى زَيْ الدِّنِيَا يَعْنِي. هُوَ اَصْلَا بَسْ أَنَا بَحَوْلُ اِتْخِيلَاهُ.

ما هو مش هينفع برضه ايه يا جماعة فيه - 00:49:37

حاجة حلوة ان شاء الله في الآخرة لو انتم كويسيين. بس كده وخلاص لأنسان ما بيستغلش كده. وربنا يعلم النبي صلى الله عليه وسلم يوصف لك الجنة اللي انت عمرك ما تتصورها. يعني عمرك تخلب عندك دنيا كده. مستحيل اصلا انا اصلا انا فعلا دي مش طموحي خالص. يعني انا ما عنديش مشاكل خالص - 00:49:59

في فيلا مسلا حلوة كوييس واتجوز اربعة صح ده كده؟ انما النبي عليه الصلاة والسلام يقول ايه؟ له فيها اهلوه ويطوف على بالمؤمنون ولا يرى بعضهم بعضا. حاجة عجيبة جدا - 00:50:17

قال وجنتان من فضة انياتهما وما فيهما. وجنتان من كذا ان اتيهما فيهما وما بين القوم وبين ان ينظروا الى ربهم الا رداء الكبر على الكبر على وجهه في جنة عدن - 00:50:31

حاجة تانية بقى ان هم ما فيش ما فيش بينهم وبين ان هم يشوفوا ربنا الا رداء الكبر في جنات عدن. عدن دي يا جماعة عشان تبقى فاهم في فردوس - 00:50:45

وازعم حاجة في الفردوس هي عدم دي ودين المؤمنون بيشوف فيها ربنا بعد ما وصف الخيمة الجميلة دي قال ايه؟ ولو هيشوفوا ربنا ما فيش بس غير ان هو يكشف لهم الرداء ده. عشان يشوفوا - 00:50:55

دول اهل الجنة لو انت بتقرأ ايات الجنة ادي نفسك بس فرصة تايhe تعيش مع اللي بيتقاول. ان اللي بيتقاول حاجة كبيرة جدا كل اهل الجنة يشوفوا ربنا لا ما هو مش كل اهل الجنة اه يعني عادي انت ممكن تيجي تشويفني وانت مش مش ساكن جنبي عادي - 00:51:09

هو في واحد ساكن معي وفي واحد ساكن قريب وفي واحد ساكن من بعيد. في واحد بي Shawfni مرة في الأسبوع في واحد بي Shawfni كل يوم احد الصحابة في غزوة بدر - 00:51:31

قبل ما الحرب تبدأ قبل الحرب تبدأ. سهم كده جه فايhe فجه فيفا مات ايه؟ قبل ما الحرب تبدأ فامه بالظبط هو مات في طيسi ولا ايه؟ ده كده ده ما حاربsh اصلا - 00:51:44

فايه فراحت النبي صلى الله عليه وسلم وخايفه من اللي ايه طب هو ايه كده ده شهيد ده ولا يعني واحد واقف يا جماعة كده معدi فهو مش معدi هو مع الصحابة هو هيحارب - 00:51:59

بس هو اللي حصل انه لسة ما فيش حرب ام ميت ففعلا او مو يعني جه في بالها اللي جه في بالنا هو ده ايه يا جماعة ده كده يعني ده كده ياخد حاجة ولا ايه يا رسول الله؟ - 00:52:09

فعلا راحت للنبي صلى الله عليه وسلم اسماء ام حارثة هو اسم حارثة فحارثة ده هلك يوم بدر اصابه غرب سهم. فقالت يا رسول الله قد علمت موقع حارثة من قلبي. فان كان في الجنة - 00:52:21

لم ابكي عليه والا سوف ترى ما اصنع قل لي بس ده ايه اللي حصل له كده؟ فقال اهبلت اجنة واحدة هي انها جنان كثيرة وانه في الفردوس الاعلى قال النبي صلى الله عليه وسلم - 00:52:36

اه غدوة في سبيل الله او روحه خير من الدنيا وما فيها ولقب قوس احدهكم او موضع قدم من الجنة خير من الدنيا وما فيها ولو امرأة من نساء اهل الجنة اطلعت الى الارض - 00:52:55

لقضات ما بينهم ولملات ما بينهم ربيحا ولنصيفها خير من الدنيا وما فيها لا يعني ايه احنا بنتكلم عن ايه بيقول آآ فيبيقول لام حارثة ده ده ابنك ده شهيد ده في الفردوس ده في حة تانية - 00:53:13

وبعد كده بيقول للصحابه خلوا بالكم بقى الجنة دي يعني خير من الدنيا وما فيها. لقب قوسين يعني ايه قاب قوسين يا جماعة قاب قوسين قد ايه؟ قاب قوسين يعني سجادة صلاة كده. يعني لو انت في الجنة عارفة لما تبقى واحد في كومباوند بس انت انا واحد ايه؟ انا واحد فاهم؟ بس انا - 00:53:35

انا معهم انا هناك. خير من الایه؟ من الشيخ زايد وهو فيها. صح؟ ليه؟ هو انت اهم حاجة تبقى في المكان ده صح؟ اللي هو بيقول لك ايه اعرف حد يدخلنا مارينا اه هنا انا بس احنا جوة خلاص احنا ليه؟ هو هو من من اهمية المكان وحالوته اما موجود فيه وانا كده -

متطلب الجنة كده بقى اللي النبي عليه الصلاة والسلام بيقول اللي قاعد بس اللي جوة الجنة خلاص ده كده خلاص. لأن هو جوة الجنة. خير من الدنيا وما فيها. وبعد كده يتكلم عن الحور العين. يقول أيه؟ لو الطلعة - 00:54:14

لو اطلعت يعني هي واطلعت يا جماعة يعني لو السماء افتحت كده وواحدة من الحور العين بصت كده. كل الدنيا تنور والنبي
صلى الله عليه وسلم في الاوصاف دي لو سمحتم بس استوعبوا ده كوييس. القرآن او السنة او كده الاوصاف دي مش يعني مش مش
مبالغات هي واقع - 00:54:25

هي حقيقي فعلاً. يعني مش اللي هو هتنور وهي مش هتنور مسلاً لأن هي هتنور بجد. هو طالما قال كده بيقى هي بجد لو واحدة من الحلول العين بصت الدنيا بتنور - 00:54:42

يعني عشان كده بقول لك ما فيهاش غير اسماء ده مش طبيعي يعني ما فيش واحدة انت اخرك لو في مرة معدى في حته في
ريحة برفيوم كده صح ؟ في حته في حاجة - 00:55:11

كده في حد رش فلفل وبعد شوية خلاص يوه ده انا معدى تحت الكوبيري فايه الدنيا باظت ليه؟ عشان دي واحدة من اهل الدنيا انما اللي في الجنة النبي صلى الله عليه وسلم بيقول ولنصيفها على رأسها. النصيف ده اللي هو ايه يا جماعة - 00:55:21
اللي هو لون خمار يا جماعة هي واحدة حاطة حاطة اشار كده. هو النبي عليه الصلاة والسلام بيقول الايشارب ده ما بيتكلمش عن شعرها. ما بيتكلمش عن اي حاجة فيبيقول ايه؟ بيقول الايشارب - 00:55:39

الشال ده احسن من يعني طب انا اعمل ايه بشال؟ معلش يعني انا انا بصراحة الشال ده مش حاسه يعني حاجة هو بيقول لك لا انت مش فاهم الشال ده لو شفته هتعمل ايه. الشال. طب احنا عايزين - 00:55:49 هزه الشاة. ايوة ماشي. ده الشال النبي صلى الله عليه وسلم بيقول انه الحور العين دي بالمرة يعني خلاص هو الحديث ايه فتح معه.

ودي جنة وربنا بيكلمك عنها وانت ممكن تروح. عادي. فيه ناس كتير اوي هتخش الجنة على فكرة. اوي. يعني فيه يعني النبي صلى الله عليه وسلم قال الصحابة انه النبي صلى الله عليه وسلم بشر الصحابة ان نص امته في الجنة - 00:56:33
نص امته في الجنة. يعني هو نص ده كتير اوي يعني ان شاء الله دي حاجة كويسة شكلها حاجة كويسة يعني لو هو فيه مiliar ونص انا حاسس. ان شاء الله طب انا له احتمدت انا ممكن اهه يعني انا ممكن بحد اهه - 00:56:51

انت بقى تقرأ الكلام ده وربنا بيقول على الجنة بقى. ربنا يقول ذوات افنان. آآ يعني يعني مليانة الوان. يعني ملونة ذوات افنان يعني ملونة يعني في الوان كتير قوي في الجنة. احنا هنا بنتكلم على الجن提ن الاعلى. فيهما عينان تجربيان فيها مية عمالة تجربى تجربى. مية بتجربى في كل حتهة - 00:57:05

ويفما من كل فاكهة زوجان انا ما يهمنيش هنا انت تحب الفاكهة ولا لا؟ انا يهمني تفهم ان هي فيها ايه من كل فاكهة زوجان. فاهم حاجة؟ يعني اللي هو فيه حمام مسلا؟ طب فيه بط ان هو بقى يقول لك ايه؟ فيه من اي لحمة اتنين فاهمين الجملة دي - 00:57:29 فيها كل حاجة ما فيش حاجة مش موجودة فيها الجملة دي بتأك لك المعنى ده. عندك كزا عندك كزا امال انا قايل لك ايه؟ انا عندي اي حاجة انت عايز منها - 00:57:47

فاهم؟ فاهم الجملة دي عاملة ازاي جملة رهيبة. وبعد كده لما رينا يقول متكيين ان هم اهل الجنة. متكيين على فرش بطانها من

استبرق ده حرير وايه المعنى ان انا اقول لك انت اللي قاعد عليه ده جواه حرير. ده انا اصلا ما ينفعش اعمله. يعني اعمله ليه اصلا -

00:57:57

ما فيش اي حاجة في الدنيا اللي جواها حرير لان مش ما لهاش لازمة ما لهاش معنى. والحرير ده غالى جدا. ودي مش حاجة يعني احنا بننسى لها ولا بنفك فيها. الجنة بقى - 00:58:15

معموله بالعكس بقى. يعني الجنة مستوى الرفاهية اللي فيها آلا يتصور. يعني بجد لا يتصور يعني اللي جوة ده من الحرير بيقى ليه اصلا من الحرير؟ عشان هو هو الطرف كده. هي الجنة كده - 00:58:25

انا ما يهمكش ما يهمنيش بقى انت بتفهم في الاستبرق ولا ما تفهمش مش ده الموضوع. الموضوع انك تفهم انه الطرف اللي في الجنة والرفاهية اللي في الجنة واصل المرحلة دي - 00:58:38

واصل المرحلة الاولى نقول ايه؟ وجنى الجنتين دان. الجنـا يعني الثمار اللي عليهـا بـتدـو منـك فالـمـهم انـك تـفـهم اـيـه مـسـتـوى الدـلـعـ اللي فيـ الجـنـةـ ماـ فيـشـ حاجةـ كـدـهـ اـنـتـ يـوـمـ ماـ بـيـتـصـورـ حاجةـ بـيـتـصـورـ بـيـجـوـ يـاـخـدـوـهـ جـوـلـ كـارـتـ ماـشـيـ وـبـيـمـشـيـ وـبـيـقـدـمـواـهـ وـالـلـهـ بـجـدـ - 00:58:49

ورحـناـ الاـوتـيلـ وـادـونـاـ قـهـوةـ عـرـبـيـ ماـشـيـ فيهـ لـيـفـلـ اـهـوـ دـهـ لـيـفـلـ وـدـهـ لـيـفـلـ تـانـيـ خـالـصـ دـهـ لـيـفـلـ الليـ اـحـنـاـ بـنـتـكـلـمـ عـلـيـهـ لـيـفـلـ الجـنـةـ دـهـ ماـ فـيـشـ حدـ مـشـ بـيـعـمـلـهـ فـيـ الدـنـيـاـ ماـ حـدـشـ قـاـعـدـ بـيـفـكـرـ فـيـهـ فـيـ الدـنـيـاـ يـعـنـيـ ماـ فـيـشـ حدـ يـقـوـلـ لـكـ بـصـ اـنـكـ كـنـتـ قـاـعـدـ عـلـىـ كـرـسـيـ - 00:59:15

الـلـيـ جـوـهـ الـكـرـسـيـ يـاـ عـمـ اـنـاـ اـصـلـاـ يـعـنـيـ وـلـاـ هوـ هـيـفـكـرـ فـيـهـ وـلـاـ اـنـاـ هـبـقـيـ عـاـيـزـهـاـ وـلـاـ الجـنـةـ لـيـفـلـ تـانـيـ خـالـصـ منـ الدـلـعـ والـرـفـاهـيـةـ وـالـطـرـفـ وـالـنـعـمـ. فـعـلـاـ يـعـنـيـ - 00:59:30

فـهـنـ قـاـصـرـاتـ الـطـرـفـ كـفـاـيـةـ بـقـىـ اـيـهـ حـوـرـ عـيـنـ. كـاـنـهـ الـيـاـقـوـتـ وـالـمـرـجـانـ. وـبـعـدـ كـدـهـ وـمـنـ دـوـنـهـمـاـ وـمـنـ دـوـنـهـمـاـ اـهـ الـمـرـتـبـةـ الـاـقـلـ شـوـيـةـ. وـاـنـاـ بـصـرـاحـةـ الـمـرـةـ الـجـاـيـةـ فـيـ سـوـرـةـ الـوـاـقـعـةـ نـتـكـلـمـ عـنـ فـكـرـةـ الـدـرـجـاتـ بـقـىـ وـالـمـرـاتـبـ دـيـ. بـسـ نـفـهـمـ هـنـاـ اـنـهـ هـنـاـ بـتـتـكـلـمـ عـنـ الـمـرـتـبـةـ - 00:59:45

عـلـىـ الـاـقـلـ مـتـهـامـتـاـنـ يـعـنـيـ عـاـرـفـيـنـ يـاـ جـمـاعـةـ لـمـ تـبـقـىـ حـاجـةـ فـيـهـاـ خـضـرـةـ كـتـيرـ اوـيـ اوـيـ فـتـبـقـىـ مـقـفـوـلـةـ كـدـهـ وـغـامـقـةـ وـمـخـضـرـةـ فـهـيـ شـفـ الـفـرـقـ هـنـاـ مـلـوـنـةـ وـهـنـاـ اـيـهـ وـهـنـاـ فـيـهـاـ خـضـرـةـ كـتـيرـ، شـاـيـفـ الـفـرـقـ؟ـ دـاـيـمـاـ فـيـهـ فـرـقـ وـهـنـاـ الـهـدـفـ اـنـهـ دـاـيـمـاـ يـوـرـيـكـ الـفـرـقـ - 01:00:05
يـعـنـيـ هـوـ زـكـرـ الـحـاجـةـ وـالـفـرـقـ الـحـاجـةـ وـالـفـرـقـ. عـشـانـ بـسـ اللـيـ هـمـتـهـ عـالـيـةـ يـلـاحـظـ الـفـرـقـ دـهـ فـيـبـدـأـ اـنـ هـوـ اـيـهـ لـاـ لـاـ وـفـيـهـ وـاـحـدـ تـانـيـ يـلـاـ كـلـهـ جـاـ لـنـاـ الـحـمـدـ لـلـهـ - 01:00:24

عـلـىـ حـسـبـ بـقـىـ هـمـتـنـاـ يـعـنـيـ. فـيـهـمـاـ عـيـنـانـ نـضـاـختـانـ هـنـاـ عـيـنـانـ كـانـتـ بـتـجـرـيـ هـنـاـ عـيـانـ بـتـنـضـخـ. شـاـيـفـ الـفـرـقـ؟ـ يـعـنـيـ دـيـ الـمـيـةـ بـتـطـلـعـ وـبـتـنـفـجـرـ اـنـمـاـ دـيـ اـصـلـاـ بـتـجـرـيـ خـالـصـ هـنـاـ فـيـ قـيـمـةـ مـنـ كـلـ فـاـكـهـةـ زـوـجـانـ هـنـاـ فـيـهـمـاـ فـاـكـهـةـ وـنـخـلـ وـرـمـانـ مـاـشـيـ فـيـهـاـ حـاجـاتـ دـيـ فـيـهـاـ مـنـ اـيـ حـاجـةـ شـاـيـفـ الـفـرـقـ هـنـاـ آـلـاـ - 01:00:35

فيـهـنـ قـاـصـرـاتـ الـطـرـفـ هـنـاـ حـوـرـ مـقـصـورـاتـ. بـصـ قـاـصـرـاتـ مـقـصـورـاتـ اـيـهـ الـفـرـقـ بـيـنـهـمـ مـقـصـورـاتـ فـيـ حدـ مـخـلـيـهـمـ كـدـهـ. قـاـصـرـاتـ هـمـ عـاـمـلـيـنـ كـدـهـ. شـاـيـفـ وـلـاـ مـشـ مـحـدـشـ فـاـهـمـهـاـ طـيـبـ كـوـيـسـ اـنـكـمـ مـشـ فـاـهـمـيـنـ. يـاـ جـمـاعـةـ مـقـصـورـاتـ يـعـنـيـ هـمـ رـبـنـاـ عـاـمـلـهـمـ كـدـهـ - 01:00:55

خـالـصـ هـنـاـ قـاـصـرـاتـ دـهـ مـشـ آـلـاـ مـفـعـولـ آـلـاـ مـشـ يـعـنـيـ مـقـصـورـاتـ آـلـاـ اـسـمـ فـعـلـ. مـقـصـورـاتـ يـعـنـيـ فـيـ حدـ كـسـرـهـمـ. هـنـاـ هـمـ هـمـ اللـيـ منـ نـفـسـهـمـ كـدـهـ فـهـيـ جـاـيـةـ مـنـهـمـ يـعـنـيـ فـاـهـمـيـنـ - 01:01:14

فـدـولـ اـحـسـنـ مـنـ دـولـ وـبـعـدـ كـدـهـ مـتـكـيـنـ عـلـىـ رـفـفـ الـخـضـرـ دـولـ بـطـاـئـنـهـمـ الـاـسـتـبـرـقـ. هـنـاـ وـصـفـ لـكـ الـكـرـسـيـ عـاـمـلـ اـزـايـ هـنـاـ قـالـ لـكـ اللـيـ جـوـهـ الـكـرـسـيـ عـاـمـلـ اـزـايـ. فـهـوـ فـيـهـ فـرـقـ كـبـيرـ مـاـ بـيـنـ دـهـ وـمـاـ بـيـنـ دـهـ. وـدـهـ مـنـطـقـيـ يـعـنـيـ - 01:01:29
وـدـهـ مـنـطـقـيـ. بـسـ وـاـحـنـاـ بـنـقـرـاـ دـهـ بـنـعـيـشـ بـقـىـ مـعـ الجـنـةـ شـوـيـةـ. وـاـنـاـ كـانـ هـدـفـيـ بـسـ وـاـحـنـاـ بـنـعـدـيـ عـلـىـ اـيـاتـ الجـنـةـ دـيـ اـنـ اـحـنـاـ نـسـتـوـعـبـ اـنـ الجـنـةـ اـعـمـ بـكـتـيرـ مـنـ تـصـورـنـاـ عـلـىـ اـنـ هـيـ مـكـانـ حـلـوـ - 01:01:46

لأ فعلا كلام ابن عباس رائع فعلا ما فيش حاجة غير الأسماء. بس عش بقى مع سواه اللي انتقال او اللي هو عايز يقول لك عليه وما انتقالش. زي ما يقول لك مستوى الرفاهية ده مهم انك تستوعب ان الجنة فيها مستويات رفاهية عظيمة - [01:01:59](#)
واداك امسلة لها وانت تطبق بقية الامثلة دي قال لك العين عاملة تجريان ده مش طبيعي. طبيعي ان انا لو عايز ماية قوم هات لي كوباياة يعني في فرق شاسع ما بين اللي عايز يشرب هنا واللي عايز يشرب هناك - [01:02:15](#)

بيشرب ايه هنا؟ بيشرب ايه هنالك فالهمم انك تفهم الجنة عاملة ازاي فطبعا صورة من حلاوتها ان هي بيقول لك هو ده التزيين بقى عشان كده عروس القرآن. ان هي بتكلمك عن الجنة والزينة اللي فيها وحلاؤة الجنة. سواه اكل سواه - [01:02:30](#)
الشرب سواه قاعدين ازاي بيأكلوا ايه؟ قاعدين مع مين؟ مين الحور العين هل جزاء الاحسان الا الاحسان فدي كانت صورة الرحمن.
اهم حاجة عندي ان احنا يكون اسم الله الرحمن - [01:02:45](#)

عرفناه النهاردة واستوعبناه اوقع اشتمل اكمل يعني. وبعد كده ده بيعت الخوف اللي ان شاء الله يقربنا من الجنة ونوازن بقى ما بين عزمه ربنا وما بين حلاوة الجمل ودي صورة الرحمن ان شاء الله. المرة الجاية ايه نخش في اللي بعده بازن الله - [01:02:57](#)
سورة الواقعة جزاكم الله خيرا سبحانك اللهم وبحمدك اشهد ان لا اله الا انت استغفرك واتوب اليك - [01:03:18](#)